

صاحبی ، مدیری ، محرری :



آبونه بدلی :

سنه لکي ۱۰۰ غروش
آلتی آیلنی ۵۰ »
اوچ آیلنی ۲۵ »

مخمس

۱۳۳۸

اداره خانه سی :
شهزاده باشنده (تعالی اسلام)
جمعیتی مرکز عمومی

مرکز نوژیی :
باب عالی جاده سنده اتحاد
تجارت کتبخانه سی

اسلامک نفعته خادم مقالات
مع الکشیر قبول و درج اولونور

یازانک شخصیتی دکل : یازینک اهییتی
نظر دقته آیلنیر

دینی ، علمی ، ادبی ، اجتماعی و شمیمیلک شهرری
مجموعه اسلامیه در

کلن یازولردن شایان قبول کوردولنلرتاریخ
مراسیله درج اولنور .

عدد : ۴

۱۳۳۹ صفرینه مخصوص نسخه

فی ۷ بوجوق غروش

مندرجات : انبیاء کرام حضراته وحی و انزال اولنان دین اسلامک شرایع و مناہجده اختلافی (اسکابی : محمد عاطف) —
جناب حق ، مؤمنلره نه شرط ایله یاردم ایدر ؟ (قونیلی : ع . عاطف) — صوفیه کرام حضراتنک روح خفنده کی تلقیاتی :
مابعد (آقسه کیلی : احمد حمدی) — قرآن کریمی ترجمه مسئله سی (محمد علی عینی) — محفل تاریخی : صفراخیر (طاهر المولوی) —
یوم و انواعی (احمد ضیا) — محفل ادبی : ایکی تاریخ وفات (حفید وحدتی : سعود المولوی) — تاریخ وفات (م . صلاح الدین) —
ع . عاطف افندیکنک برنجی نسخه ده مندرج غزلنه نظیره (علی حیدر) — برقطعه (ع . عاطف الفسز بر منظومه (احمد
رضوی المولوی) — غزل : خسته لقی یادکاری (طاهر المولوی) — هم حقیک افندی بی ، هم دارالحکبه بی تبریک — اعلانات

(مناجات حضرت مولانا) عنوانیله منوی شرفدن بالانتخاب طبع ایدلش اولان علاونک موزعلردن ایسته نیلده سی رجا اولنور
اسلام چیغیری : اولیای اطفاله مژده : اسکابی عاطف افندیکنک تألیف ایله یکی بواثر مینی مینی چوجقلره غایت قولایقله
اسلامیتی اوکره تیر .
مؤلف مومی الیهک [اسلام بولی] ، [اسلام چیغیری] [مرآة الاسلام] نام اثرلریله [علم حال] جه اولان نواقض اکیال
ایدلش دیمکدر . لایقیا اوقونقی شرطیله بواثرلر چوجقلرک ذهنته روح اسلامیتی افاضه ایدوب حسیات اسلامیه نک تأسس
و تمرکزینی انتاج ایدر . بالخاصه اولیای اطفاله توصیه اولنور .
محل فروختی : حکاکارده کتابچی راشد افندیکنک دکانی ایله باب عالی جاده سنده اتحاد تجارت کتبخانه سیدر .

سورة (حج) دده « ولينصرن الله » وعد
جليلي ايله : الله يارديم ايدنلره جناب حق بهمه حال
يارديم ايدر ، شهبه سز اوقادر وغالدر . ديور . وشو
ايكنجي آيت كريمه يي متعاقب « الذين انمكناهم »
يعني : آنلر كه اكر بز كنديلرينه ير يوزنده مكنت
وقدرت ويريرسهك صلاتي اقامه ؛ زكاتي ادا ،
ايواكه امر ، قنالقن نهى ايدرلر . ديهه الله يارديم
ايدن كيمسه لك فصل آدمير اوله جغني بيان ايدنيور .
صلات ، زكات ، معروف ايله امر ، منكردن نهى كي
باشليجه احكامي ذكر ايدرك نصرت الهيه مظهر
اوله جقرك فرمان الهيه اتباع ايدنلر اولديغني اوضاح
بيوريور .

ايسته بورايه قدر آكلاشيلور كه جناب حقك وعد
بيورديني نصرته نائل اولمق ايچون يالكز آدي مسلمان
اولمق كافي كليور ؛ بالعكس حقيقي مؤمن اوله رق قرآن
عظيم الشانده بيان بيوريلان احكام دينيه اقياد وبونلر
ايله عمل ايتك لازم كليور .

چونكه تكلفات الهيه دن مقصد ، انسانلرك استفاده سي
اولوب ، بونلره امتثال ايده ايده مكافاتي اولان فوزظفر
واجر وثوابه كسب لياقت ايدرلر ؛ يوقسه مسلمانجه
حركت ايتمه ينلرك مسلمانلره موعود اولان نصرت الهيه دن
حصه ياب اولمق اميدينه دوشمه لري بك غريب بر دوشونجه
اولور .

بونك ايچوندر كه سورة (بقره) نك ابتداء سنده
قرآن كريمك كيملره هادي ورهبر اوله جغني بيان ايچون :
اوكتاب جليل الشأن ، تقوى يولنى طوتانلره ، غيهه ايمان
ايله صلاتي اقامه ، زكاتي ادا ايدنلره يول كوستيرر .
بيوريليور . بوده غايت طبعيدر ؛ چونكه قرآن حكيم ،
جناب حق طرفندن سعادت حاللريني تأمين ايچون انسانلره
كوندرلش بر قانون ، بر دستور اخلاقدر ، او دستور ،
او تعليمات ربانيه دن مستفيد اوله بيلمك ايچون آكا تطبيق
حركت ايتك لازمدر ؛ زيرا هيچ بر قانون كورولمه .

وعيسى به ويريلن تورات و انجيل شريفه وسائر پيغمبرانه
من طرف الله اعطا اولنان كتب وصحائف شريفه ايمان
ايتدك . آنلردن هيچ بريخي تفريق و تميز ايتيوب جمله سنه
ايمان ايدرز . بز الله تعالى نك امر ونهيه منقاد ومطيعن .
آيت جليله سي مقتضاسنجه بالعموم امت محمدك حضرت
موسى ، حضرت داود ، حضرت عيسى عليهم السلامه انزال
اولنان تورات ، زبور ، انجيل شريفلر ايله سائر پيغمبرلره
انزال اولنان كتابلره وبلا تفريق هر پيغمبره ايمان ايتلري
فرض قلنمشدر . برينه ايمان ايتيان مسلمان اوله ماز .
شوقدر كه الان موجود اولان نسخ ثلاثه تورات
ايله اناجيل اربعه دنيلن كتابلر قرآن كريمده مذكور اولان
اصول دين واركان اسلاميه به متخالف ومتضاد ، معتقدات
ومذاهبي جامع اولدقلرندن طولا يي پيغمبرلره وحى وانزال اولنان
تورات و انجيل شريفدن عبارت اوليوب رؤساي يهود
ونصارا طرفندن كتب منزله بعد التحريف تأليف وترتيب
ايدلش شيلر اولديغنه حكم واعتقاد ايتك فرضدر . بوندن
بشقه يهود ايله نصارانك شيمديكي دينلري ده قرآن كريمك
محتوى اولديغني اصول وعقائد اسلاميه به فروع واحكام
شرعيه به بستون مغاير وضد اولديغنه نظر حضرت موسى
ايله حضرت عيسى نك من طرف الله نازل اولان دين
وشريعتي اولديغنه بلكه دين حق تحريف ايله رؤسانك
ترتيب وتصنيع ايتدكلري باطل شيلر اولديغنه حكم واعتقاد
ايتك ده فرضدر .

اسكيلي : محمد عاطف



جناب حق ، مؤمنلره نه شرط ايله يارديم ايدر ؟

جناب واجب الوجود ، قرآن كريمده سورة (محمد)
عليه السلام ده « ان تنصروا الله » قول شريفيله
اي مؤمنلر ، جناب حقه يارديم ايدرسه كز ، الله ده سرك
يارديمكز اولور ، وسزي ثابت قدم قيلار . بيوريور ،

صوفیه کرام حضراتک روح حقنده کی تلقیاتی

مابعد :

جناب امام بو خصوصده کی بیاناته « فاذا سويته ونفخت فيه من روحي » ، « قل الروح من امر ربي » نظام جلیلارنده کی تسویه ، نفخ ، روح وامرك نه ديمك اولديغنی ایضاح ايتك صورتيله باشلايور ؛ دييورکه :

« فاذا سويته » . نظم جلیلنده کی تسویه « روحی قبول ایدن محله فعلدن » عبارتدر . بو محل ، آدم (ايلك انسان) حقنده « طين — بالحق » و آدمك اولادی حقنده ؛ تصفيه وتعديل مزاج شرطيله نطفه در . ايلك انسان حقنده طين ، روحی قبوله مستعد بر محل اولديغنی کبی ، اونك اولادی حقنده تصفيه واعتدال مزاجه صاحب اولان نطفه ده بويله در . فی الحقیقه بوده طين ، بالحق در . فقط طين ؛ نبات ، قان ، نطفه کبی برطاق اطوار متعاقبه کچريور ؛ بالاخره ارككك نطفه سی قادینك بیضه سی ايله رحم مادرده برلشور . اوراده دها زیاده اعتدال وتناسب حاصل اوله رق امتزاج وتصفيه خصوصنده درجه نهاییه واصل اوليور . بوصورتله روحی قبول وامسا که مستعد اوليور . نطفه ، تمام استوا زماننده کی استعدادی ايله کنديسی تدیر و کنديسنده تصرف ایده جك اولان روحه مستحق اولديغندن « هر شیئه مستحق اولديغنی ویرمکده بخل ایتمین » جواد مطلق ، جود الهمیسندن نطفه یه افاضه روح ایدیور ؛ اوآنده فیاض مطلقدن نطفه یه روح فیضان ایدیور . ایشته تسویه شوافعالدن عبارت اوليور . امام غزالی ، روحی قبول ایدن محله کی بو استعدادی « یاغی ایچدکن صکره آتشی قبول وامسا که مستعد اولان قتیله یه » تشبیه ایدیور . و « نفخ ، قتیله نطفه ده نور روحی اشعال ایدن ، تعبیر دیگرله نور روحك اشتعالنه باعث اولان شیدر » دیيور .

ديمك ایستیورکه : بر لابه نك قتیلی یاغی ایچدکن صکره آتشی قبوله کسب استعداد ایتش بولنیور ؛ بوکا

مشدرکه کنديسیله عمل ایدله دن انسانلره فائده بخش اولسون . ایشته جناب حَقك دنیا و آخرتده سعادت مؤمنی تأمین ایچون تبلیغ بیوردیغنی فرقان جلیل ، نصرت مسلمینی بو شرط ايله ققید ایدیور . كرك پیغمبر ذی شان علیه الصلاة والسلام اقدمزه ، كرك خلفای راشدین رضی الله عنهم حضراتنده امداد سبجانینی بو منوال اوزره احسان وعایت بیورمشدر . آنلر فرمان سبجانیدن قطعاً انحراف ایتمه رك عون صمدانی ايله كره ارضك برقم مهمنی احیا وتمدین و بی بشری جدأ مسعود ایشلردر ؛ آنلر صرف کندي شخصلرینی کندي مملکتلرینی دکل ، بتون عالم انسانیتك سعادتنی دوشونه جك قدر علو همت ابراز ایتش ، و او نسبتده مظهر موفقیت اوله رق کلمه الهی اعلا و الی الابد خیر ايله ابقای نام ایتشلردر .

چاریار کزین حضراتی تعقیب ایدن خلفا و ملوک اسلامیهدن مع التأسف پك آزیری احکام الهیه یی دستور حرکت اتخاذ ایده رك اخلاص و صمیمیتلری درجه سنده مظهر توفیقات اولمش ، برطاقلری ده اساسات شرعیه یه توفیق اعمال ایده جك یرده هوا وهوسلرینه تابع اوله رق عدل وحقه منتظر برعالم بشرتی ظلم و اعتسافلرینه قربان ایلهمش ، و نهایت « وسیعلم الذین ... » وعید الهیسی موجبجه مستحق اولدقلری جزای بولشلردر .

تاریخمز تدقیق ایدیلیرسه کوریلورکه بز عثمانلیلرده دخی بو قانون الهی عین شکله جریان ایتشدر : سلطان عثمان اولدن سلطان سلیمان قانونی یه قدر احکام اسلامیهدن انحرافه جواز ویرلمدیکی ایچون دولت عثمانیه مز ، نه امل تعقیب ونه طرفه توجه ایتدیه نائل فوز و ظفر اولمش ایکن حکومتمز کوندن کونه انحطاطه یوز طوته رق بو کونکی جاله کلشدر ؛ او حالده شیمدی نه یامالی ؟ نه یولده یورومه لی یز ؟

قونیه کی

ع . عاطف